




IKA-4 NA ARALIN

PAANO MASUSUMPUNGAN ANG NAIS MO SA BIBLIA



Ika-40 Takdang Aralin at Tanong

Ang mga aklat ng Biblia ay nahahati sa mga kabanata at talata upang makita natin agad ang ating hinahanap. Tingnan ang unang aklat sa iyong Biblia, Ang Genesis. Ilan ang kabanatang Genesis?

Ika-40 Sagot



Paano Masusumpungan Ang Nais Mo Sa Biblia

Mga Sanggunian sa Biblia

Sa karamihang salin, ang pagbabasa ay nahahati sa maikling bahagi na may mga bilang sa kaliwa. Ito ay tinatawag nating mga talata o mga teksto.

Ika-41 Takdang Aralin at Tanong

Tingnan ang unang kabanata sa iyong Biblia. Ito ba'y nahahati sa mga talatang may bilang? Ilang talata mayroon sa unang kabanata ng Genesis?

Ika-41 Sagot

Mga Sanggunian sa Biblia

Maaari tayong sumanguni sa alinmang talata ng Biblia sa pamamagitan ng pagbibigay ng; una, pangalan ng aklat. saka isunod ang bilang ng kabanata at ang bilang ng talata. Ito ang sanggunian ng Biblia.

Ika-42 Takdang Aralin

Sa iyong Biblia, hanapin ang Genesis, kabanatang 2, talatang 17. Ito ay nagsisimula sa:

- a) Datapuwa't sa kahoy ng
- b) Sa bawa't malinis na hayop
- k) At nilikha ng Diyos ang kalawakan
- d) At ang lupa ay

Ika-42 Sagot



Mga Sanggunian sa Biblia

Ang kababasa mong sanggunian ay nakasulat na Genesis 2:17, Nilalagyan natin ng tutuldok (:) ang pagitan ng bilang ng kabanata at bilang ng talata.

Ika-43 Takdang Aralin at Tanong

Hanapin mo ngayon ang sumusunod na sanggunian sa unang aklat ng Bagong Tipan. Mateo 1:21. Basahin mo ito. Ito'y tumutukoy

- kay Jesus at sa kanyang mga alagad.
- sa salit' saling lahi ni Jesu-Cristo
- sa kapanganakan ni Jesus.

Ika-43 Sagot

Mga Sanggunian

Ang bilang sa pasimula ng aklat ay binabasa nang: Unang, Ikalawang, o Ikatlong. I Timoteo 2:8 ay binabasa nang: Unang Timoteo, ikalawang kabanata, talatang walo.

Ika-44 na Takdang Aralin at Tanong

Hanapin ngayon ang unang kabanata ng Matandang Tipan. Basahin Ito hanggang makita mo ang talata na nagsasabing: "At sinabl ng Diyos, magkaroon ng liwanag, at nagkaroon ng liwanag." Isulat ang sanggunian ng talatang Ito.

Ika-44 na Sagot

*Paano Masusumpungan Ang Nais Mo Sa Biblia***Mga Sanggunian**

Sa pagsangguni sa isang buong kabanata, o mga kabanata, hindi natin ginagamit ang tutuldok. Ang Genesis 1, 2 ay tumutukoy sa dalawang nauunang kabanata ng Genesis.

Ika-45 Takdang Aralin at Tanong

Hanapin ang huling kabanata ng huling aklat sa Banal na Kasulatan. Isulat ang sanggunian.

Ika-45 Sagot

Mga Sanggunian

Gumagamit tayo ng kuwit sa pagitan ng mga talata na nasa iisang kabanata kung hindi hi-higit sa dalawa ang magkasunod na talata. Genesis 1:1,2,4.

Ika-46 na Tanong

Isulat ang sanggunian para sa Mateo, ikalawang kabanata, talatang una at ikalima.

Ika-46 na Sagot

**Mga Sanggunian**

Ang kuwit sa pagitan ng dalawang huling talata ng sanggunian ay bina-basa nang "at". Sa pag-basa ng Mateo 2:1,5,6, ay sinasabi nating "Ika-wang kabanata ng Mateo, talatang una, ikalima at ikaanim.

Ika-47 Tanong

Paano mo babasahin ang Juan 3:1,2,10?

- Juan tatlo, una, ikalawa, ikasampu.
- Juan, ikatlong kabanata, mga talatang una, ikalawa at ikasampu.
- Juan ikatlo, una, ikalawa at ikasampu.
- Juan tatlo, una at ikalawa at ikasampu.

Ika-47 Sagot

Mga Sanggunian

Gumagamit tayo ng gitling sa pagitan ng mahigit na dalawang magkasunod na talata at binabasa ito ng tulu-yan, kaya't ang Juan 1:1-3 ay binabasang Juan unang kabanata, talatang una hanggang ikatlo.

Ika-48 Takdang Aralin at Tanong

Ang sanggunian sa unang apat na talata ng Bagong Tipan ay Mateo 1:1-4. Hanapin ang sumusunod na mga sanggunian sa Iyong Biblia at sabihin kung ilang talata mayroon sa bawat isa:

- Ang Genesis 8:18-22 ay mayroong —
- Ang Genesis 8:18, 22 ay mayroong —

Ika-48 Sagot

*Paano Masusumpungan Ang Nais Mo Sa Biblia***Mga Sanggunian**

Ang mga talata o teksto na mahigit sa isang kabanata ay ibinubukod sa pamamagitan ng tuldok-kuwit (;). Ang Mateo 1:21; 2:1-6 ay tumutukoy sa pitong talata na nasa dalawang kabanata.

Ika-49 na Takdang Aralin

Hanapin at basahin ang Mateo 1:21, 2:1, 3:13, 16. Ang apat ng talatang ito ay tungkol kay

- Jesus, sa mga Pariseo, kay Juan Bautista, at sa mga alagad.
- Jesus, sa mga Pantas, Juan Bautista, at sa Espiritu Santo.
- Jesus, Jose at sa mga pastol.

Ika-49 na Sagot

Mga Panggilid na Sanggunian

Ang mga Bibliang ginagamit sa pag-aaral ay may mga panggilid na sanggunian na nasa gitnang dako o sa ibaba ng pahina, upang makatulong sa paghahanap ng ibang talata na mayroong magkatulad na paksa.

Ika-50 Tanong

Ang maliit na titik sa ilang mga salita sa talata ng Biblia ay para sa paghahanap mo ng katulad na titik sa gilid. Doon ay matatagpuan mo ang mga sanggunian sa

- ibang mga talata sa Biblia na mayroong katulad na paksa.
- mga aklat na mababasa tungkol sa paksang iyon.

Ika-50 Sagot




Concordancia

Ang concordancia ay isang pagkakaayos ayon sa titik ng mga pangunahing salita sa Biblia. Sa ilalim ng bawat salita ay may mga sanggunian at mga parirala kung saan ito ginagamit mula sa Genesis hanggang sa Pahayag (Apocalipsis).

Ika-51 Takdang Aralin

Tingnan ang iyong Biblia kung ito ay may panggilid na sanggunian at Concordancia. Ito'y mahahalagang tulong sa mga nag-aaral, sa mga guro, mangangaral, at sa mga nag-aaral patungkol sa ministryo. Punan ang iyong "Talang Mag-aaral" para sa araling ito.



MGA TAMANG SAGOT SA IKA-4 NA ARALIN

Ika 40 Sagot

Limampu

Ika-41 Sagot

Tatlumpo't isa

Ika-42 Sagot

a) Datapuwa't sa kahoy ng . . .

Ika-43 Sagot

k) sa kapanganakan ni Jesus

Ika-44 na Sagot

Genesis 1:3

Ika-45 Sagot

Pahayag (Apocalipsis) 22

Ika-46 na Sagot

Mateo 2:1,5

Ika-47 Sagot

b) Juan, ikatlong kababata, mga talatang una, ikalawa at ikasampu.

Ika-48 Sagot

Ang Genesis 8:18-22 ay may limang talata. Ang Genesis 8:18,22 ay may dalawang talata.

Ika-49 na Sagot

b) Jesus, sa mga pantas, Juan Bautista at sa Espiritu Santo.

Ika-50 Sagot

a) ibang mga talata sa Biblia na mayroong katulad na paksa.

MAHALAGANG PATALASTAS

Kapag napag-aralan mo na ang unang bahagi, mangyaring tapusin ang Tala ng Mag-aaral at Pagsusulit para duon. Ipadala ang pagsusulit ng "ANG IYONG BIBLIA" sa ICI PHILIPPINE NATIONAL OFFICE, P. O. BOX 1084, MANILA.

Mangyari sanang maglakip ng taus-pusong kaloob para sa gawaing panlabas ng ICI. Nagbibigay ang ICI ng mga aralin sa Biblia sa libu-libong mag-aaral sa Pilipinas. Dahil sa mga kaloob ng mga kaibigang tulad ninyo, naisasakatuparan ang gawaing panlabas ng ICI. Ang inyong mga kaloob ang dahilan ng patuloy na pagpapala sa iba.

Alalahanin: Sa pamamagitan ng ICI napag-alaman ninyong SI CRISTO ANG KATUGUNAN. Ang inyong donasyon ay makatutulong upang ang katugunang ito ay mapasa iba.

"ANG IYONG BIBLIA" — IKALAWANG BAHAGI

Ang susunod na tatlong aralin ay ito:

Araling 5 — Ang 39 na Aklat ng Matandang Tipan

Araling 6 — Ang 27 Aklat ng Bagong Tipan

Araling 7 — Paano mo Malalaman na ang 66 na Aklat ng Biblia ay Salita ng Diyos

Kung nakalugdan mo ang pag-aaral ng Unang Bahagi ng kursong ito natitiyak naming higit mong kalulugdang pag-aralan ang Ikalawang Bahagi. Ngayon makatatanggap ka ng higit na maliwanag na larawan at paliwanag kung ano ang Biblia.

Matapos mong pag-aralan ang Ikalawang Bahagi may karapatan kang tumanggap ng KATIBAYAN NG PAGTATAPOS NG "ANG IYONG BIBLIA." Ito'y hindi lamang isang katibayan ng

pagtatapos na maaaring ikuwadro at isabit sa dingding kundi maaaring maging pinuno ng Bible Club na may mahalagang kaalaman tungkol sa Bibliang maaaring ibahagi sa iba.

Hindi namin masasabing sinasakop ng mga aralin ng Ikalawang Bahagi ay isang pagpapalawak na pagpapakilala sa "Ang Iyong Biblia". Hindi mo makukuha ang mga karagdagang inspirasyon at mahalagang kaalaman araw-araw kapag pinagpaliban mo ang pag-aaral nito.

Sa Ikalawang Bahagi ng "Ang Iyong Biblia" tinipon ng ICI sa isang maikling ayos ang kaalaman tungkol sa Biblia at mga kaalamang tutulong sa isang Cristiano. Ang Ikalawang Bahagi ng "Ang Iyong Biblia" ay makatutulong sa iyo upang higit mong makilala ang Diyos, magkaroon ka ng higit na malalim na karanasan at tumulong sa iyo upang "Ang Iyong Biblia" ay maging isang buhay na aklat para sa iyo.

Alam mo bang minsan ay sinabi ni Daniel Webster na "Kung susundin natin ang mga patakarang nasa Biblia, ang ating bayan ay magpapatuloy sa tagumpay. Ngunit kung tayo at ang ating saling-angkan ay kaliligtaan ang mga turo at kapangyarihan nito, walang sinumang makapagsasabi kung paanong ang isang sakuna ay maglibing sa ating kaluwalhatian sa paglimot ng lahat."

Naniniwala ang ICI na taglay ng Biblia ang kaisipan ng Diyos, ang kalagayan ng tao, ang paraan ng kaligtasan, ang kamatayan ng mga makasalanan at kaligayahan ng mga mananampalataya. Ang mga aral nito ay banal, ang mga turo ay nakapangyayari, ang mga kasaysayan nito ay totoo, ang mga kapasyahan nito ay di magbabago. Ito'y dapat basahin ng lahat upang maging matalino, paniwalaan ito upang maging ligtas at isagawa ito upang maging banal. May taglay na liwanag ang Biblia upang tumanglaw, pagkain upang bumuhay, at upang umaliw sa iyo. Itinatagubilin ng ICI ang Biblia upang basahin ng marahan, madalas at buong pagdalangin. Ang Biblia ay isang mina ng kayamanan, isang paraiso ng kaluwalhatian at ilog ng kasiyahan para sa diwa ng tao. Ito'y ibinibigay na panghabang-buhay, bubuksan sa paghatol sa tao at magkakabisa ito sa isip ng tao magpakailanman. Sa mga kadahilanang ito, naniniwala ang ICI na ang pag-aaral sa Biblia ay may kalakip na mataas na pananagutan para sa lahat ng tao. May kaloob itong dakilang gantim-

pala sa mga masikap na nagbubulay-bulay sa mga kautusan at pangako nito.

Sa loob ng dantaon ang Biblia ay namalaging kapahayagan ng Diyos at Kanyang kalooban para sa tao. Ito'y walang kamatayang aklat, isang mahalagang pamana sa buong sangkatauhan. Ang Biblia ang siya pa ring pinakadakilang inspirasyon sa banal na pamumuhay at umaakay sa mga tao na maging banal.

Natagpuan ng mga salinlahi ng tao, na sa pamamagitan ng pagbubulay-bulay sa laman ng banal na Aklat na ito, ang panibagong liwanag at malalalim na pamantayan ng katotohanan.

Hindi binago ng panahon ang pangangailangan sa Aklat ng mga Aklat na ito. Napakaraming di-mapaniwalain ang dumating at nawala nguni't walang anumang makapagpapawalang-bisa sa mga pangako ng Diyos na nasa mga pahina ng Banal na Biblia.

Salamat sa Diyos, sa pamamagitan ng ICI, milyun-milyong mga tao ang makatatanggap ngayon ng higit na lalong kaalaman ng Biblia. Nuong nakaraan, walang ibang aklat ang higit na tinuligsa, hinamak, sinunog o ipinagbawal. Nguni't ngayon, ang Biblia ang **PINAKAMABILING AKLAT** sa mundo at taun-taon ay dumarami ang bumibili nito.

Ang mga tagapakinig sa radyo mula sa Tsina at Rusya ay sumulat sa FEBC sa Maynila at humihiling ng Santa Biblia. Sa malayang daigdig, libu-libong mga siyentipiko, pilosopo at mga nagtuturo ang nagpapalagay na ang Biblia ang pinakadakilang aklat sa buong mundo.

Ang Biblia ay hindi nawawalan ng kapangyarihan sa pagbabago sa buhay ng milyun-milyong mga tao. Sa pagbabasa at pananalig sa mga mensahe nito, ang mga sugapa sa opyo at manlalasing ay bumuti, ang mga masasamang babae at lalaki, sa mga kabataan, sa mga batang babae at lalaki sa buong mundo.

Ang mensahe ng Biblia ay kasing-kapangyarihan at makatotohanan na para bang ang Maykapangyarihan mismo ang nagsasalita sa tinig na maririnig ng mga tao. Ang pagpapabaya at pagtanggap lamang na pagsamahin ang pananampalataya at panghabang-buhay na mensahe nito ang maaaring magpapawalang-bisa sa inspirasyon nito.

Sa pamamagitan ng Salita ng Diyos ay nakatagpo ang mga tao ng kapayapaan para sa kanilang mga puso, katiyakan ng kapatawaran, lakas na makapagtagumpay laban sa kasalanan at isang maningning na pag-asa ng luwalhating walang hanggan. I Juan 5:9-13.39

Dahil sa patuloy na paglago ng interes sa lahat ng uri ng pag-aaral ng Biblia sa Pilipinas, matapat na ninanais ng ICI na tulungan kang higit na makaunawa sa Biblia. Dahil dito, nagagalak ang ICI na bigyan ka ng higit na pagkakataong makapag-aral ng mga aralin sa Biblia. Ito'y isinaayos upang akayin kang magkaroon ng higit na malapit na kaugnayan sa Diyos at Cristianong pamumuhay para sa Diyos dito sa lupa sa panahong tulad nito.

Sa pamamagitan ng ICI malalaman mo na ang Biblia ay kinasihan sapagka't ang aming mga aralin sa Biblia ay makapagbibigay-inspirasyon sa iyo.

Sumulat ngayon para sa kurso ng "Ang Iyong Biblia". Kung wala ka pang kopya ng Biblia, sikapin mong bumili sa pamamagitan ng ICI. Kung ikaw ay interesado, sumulat at humingi ng higit pang kaalaman tungkol sa mga "Biblia" sa Ingles o iba pang mga wikaing Pilipino. Mangyaring sumulat sa:

INTERNATIONAL CORRESPONDENCE INSTITUTE
PHILIPPINES NATIONAL OFFICE
P. O. Box 1084 Manila 1099

"ANG IYONG BIBLIA"

Tala ng Mag-aaral at Pagsusulit



INTERNATIONAL CORRESPONDENCE INSTITUTE
PHILIPPINE NATIONAL OFFICE - P. O. BOX 1084 - MANILA

Petsa _____

Mangyaring isulat ng malinaw:

Pangalan _____

Tirahan _____

Pangalan ng Iglesya _____

Address ng Iglesya _____

Pangalan ng Pastor _____

Mahalaga: Mangyaring sulatan ang TALA NG MAG-AARAL AT PAGESUSULIT at ipadala ito sa ICI Philippine National Office, P.O. Box 1084, Manila. Huwag kalimutang ilakip ang inyong donasyon sa ICI.

Aralin 1 - Ang Pag-aaral Ng Aklat Na Ito

Sinagot ko ang mga tanong at nauunawaan ko ang paraan.

Lagda

Aralin 2 - Mga Pakinabang Sa Pag-aaral Ng Biblia

Banggitin ang 8 pakinabang sa matapat na pag-aaral ng Biblia.

1.

2.
3.
4.
5.
6.
7.
8.

Aralin 3 – Ang Aklat Na Ipinagkaloob Sa Atin Ng Diyos

Sinagot ko ang mga tanong at nagawa ko ang mga takdang-aralin.

Lagda

Aralin 4 – Paano Masusumpungan Ang Hinahanap Mo Sa Biblia

Sinagot ko ang mga tanong at nagawa ko ang mga takdang-aralin.

Lagda

MAHALAGA:

Mangyaring tanggalin ang pahinang ito at ipadala kasama ng sagot sa Ikalawang Bahagi sa:

INTERNATIONAL CORRESPONDENCE INSTITUTE
P.O. BOX 1084
MANILA 1099



ANG IYONG BIBLIA

IKALAWANG BAHAGI

MGA ARALIN 5-7

MGA NILALAMAN

ARALIN	PAHINA
5 ANG MGA AKLAT NG MATANDANG TIPAN	44
6 ANG MGA AKLAT NG BAGONG TIPAN	70
7 PAANO NATIN MALALAMAN NA ANG BIBLIA AY SALITA NG DIYOS	89